



Protestatio Auctoris.

CUM Sanctissimus Dominus noster Urbanus Papa VIII. die 13. Maji 1625. in Sacra Congregatione SS. Rituum, & universalis inquisitionis. Decretum ediderit, idemque confirmaverit die 5. Julii 1634. quo inhibuit imprimi libros hominum (qui Sanctitate, seu Martyrii fama celebres è vita migrarunt) gesta, miracula, vel revelationes, seu quæcunque beneficia tanquam eorum intercessionibus à DEO accepta, continentis, sine recognitione & approbatione Ordinarii, & quæ hactenus sine ea impressa sunt, nullo modo vult censerì approbata. Idem autem Sanctissimus die 5. Jun. 1631. ita explicaverit, ut nimirum non admittantur Elogia Sancti, vel Beati absolute, & quæ cadunt super Personam, bene tamen ea quæ cadunt super Mores, & Opinionem, cum protestatione in Principio, quod in illis nulla sit Auctoritas ab Ecclesia Romana, sed fides tantum sit penes Auctorem. Huic Decreto, ejusque confirmationi, & declarationi, observantia, & reverentia (qua par est) insistendo profiteor, me non alio sensu quidquam hoc in libro referre, accipere, aut accipi ab ullo velle; quam quo solent ea, quæ humana duntaxat Auctoritate (non autem Divina, Catholicæ Romanæ Ecclesiæ, aut Sanctæ Apostolicæ Sedis) nituntur; iis tantummodo exceptis, quos ibidem sancta sedes, Sanctorum, Beatorum, aut Martyrum Catalogo adscripsit.

Fr. Kilianus Kazenberger.

Der